

愚

齋

存

稟

愚齋存彙卷第三十目錄

電報七

直督王夔帥來電

鄂督張香帥來電

香帥來電

寄夔帥香帥

江督劉峴帥來電

寄張香帥

寄夔帥香帥

香帥來電

寄夔帥香帥

夔帥來電

總署柏繙譯來電

寄夔帥香帥

翁瓶相來電

又

寄夔帥香帥

香帥來電

寄香帥

寄夔帥

夔帥來電

香帥來電

夔帥來電

寄夔帥香帥

又

譯署柏憲章來電

寄峴帥

寄京總署津夔帥

寄香帥

又

香帥來電

又

寄香帥

寄王夔帥張香帥陳右帥

夔帥來電

峴帥來電

寄夔帥峴帥香帥

寄劉峴帥王夔帥張香帥陳右帥

香帥來電

又

京馮志先來電

寄香帥

京馮志先來電

長沙陳右帥來電

寄陳右帥

寄總署夔帥香帥

寄李傅相翁協揆張少司農

香帥來電

寄京馮志先

夔帥來電

寄夔帥

總署來電

寄王夔帥劉峴帥張香帥陳右帥

北京電局馮志先來電

寄夔帥香帥

又

香帥來電

寄夔帥香帥右帥

夔帥來電

寄榮中堂

寄夔帥香帥

愚齋存彙卷第三十

電報七

直督王夔帥來電

光緒二十四年正月初一日

頃復香帥電云借款事 朝廷深韙尊議惟倭方
指款待用未能向商英挾借款要求俄持之甚力
卻未定議德以 諭旨太輕尙不肯撤兵膠事了
而不了此昨今所聞也大局所關鄙人偶有見及
必爲常熟密陳之惟聞南海勢甚張常熟亦時爲
所持是可慮耳俄壓北境機局已成勢難擺脫所
爭者在長江一款盡人聽天彼此努力言之慨然

等語希察照

鄂督張香帥來電

正月初二日

阻英借款事望尊處密電常熟合肥力阻之

香帥來電

正月初三日並致王夔帥

敝處去臘二十四日電奏力阻借英款奉電 旨

張之洞電奏頗有可採現英議借款俄欲借灣正
在未定已飭總理衙門從長計議等因欽此乃二
十七日總署致湘撫電言英借款息輕開湘潭口
岸事在必行云云是署意願借英款似有成見倭
債可緩和約甚明豈能強催何必借西洋還東洋

借急債還緩債借有抵押之債還無抵押之債緬
路通漢長江抵押代我保守一日而割江南十二
省千古怪事德案又翻不撤兵正爲英吞長江故
亦欲吞山東也法日內卽當有舉動本日弟又有
兩電奏諫阻祈飭報局將敝處去臘三敬電本日
兩沃電錄呈一閱仍望兩公設法相機救正切懇
德堅欲造山東鐵路弟仍照去年十一月三十電
奏擬以甯滬鐵路抵換爲患較輕並聞祈示復

寄夔帥香帥 正月初三日

香帥電奏極明暢惟熟思英既藉款要挾倭未必肯打

破其機關已密電常熟合肥姑請與倭使密商能否展
緩恐無把握然俄繼德索灣以壓北境英必力爭長江
上下游即使不借款亦豈能獨向隅添開大連南甯兩
口可制俄法儘可允行而俄之不許灣作商埠必與德
不許公膠口同一作用湘潭事右帥未知如何復署

江督劉峴帥來電

正月初三日

英索三埠做處昨亦有聞未知其詳大連灣開埠
俄拒之湘事風氣未大開現右帥擬集紳會議其
餘二端英蓄意已久誠如尊論今露端倪第未悉
俄法如何拒阻香帥請緩倭款是爲全借英債起

見未知總署以爲然否

寄張香帥

正月初四日

總署以英款息輕事在必行此時當權其大者急者違
論息之輕重耶去秋呼利公司宣代議借一無要挾只
因息重而止今勢急而利轉輕乃國家所爲也昨電常
熟合肥謂英所索款俄必阻之請乘俄阻姑與倭商如
能稍緩一二期俟風浪稍平要挾亦可稍減等語如有
復電再當奉聞

寄夔帥香帥

正月初五日

年底接廣東京官電稱容閔另造鎮江至天津鐵路已

定議卽詢常熟頃接復電云容雖未定事在必行八字
是否因山東路已許德故派容與德辦抑派容另造東
路俾德由膠口造接想係弓午助成將來縱橫皆洋路
何爭乎此但比國總辦將到聞開東路則西路借款恐
不肯付十月二十八會電總署請發議竟秘密不發尙
何言哉

香帥來電

正月初五日並致王夔帥

容闕東路竟欲准行實可駭異昨接夔帥電德國
修山東鐵路一條似已允旣許德自膠造又令容
自清江造報効百萬必係洋股此路直穿東境德

必速造令與此路接是爲虎傅翼也德軍長驅而
北自膠一日達永定門關係京畿安危尙不在西
路損益也必須飛速會銜電奏阻止惟內意所以
許造者總爲百萬報効所動杏翁能設法以將來
亦報効巨款敵之否祈卽刻速籌示復並擬會奏
電稿示復

寄夔帥香帥 正月初六日

東路樞紐全在德事似不在百萬報効頃已密詢常熱
究屬何因俟復電到再擬辦法商請電奏比總辦俞貝
德十二可到滬亦須觀其消息乃定大局

襲帥來電

正月初六日

容議甚秘竟無所聞或恐德路之莫可限制而預
占此地步乎總之東路現已許德卽無容議終爲
盧漢大冲剋比款若有游移不了固在目前比款
卽無游移不了尤在日後此中消息亟宜沉思邈
慮預籌及之

總署柏繙譯來電

正月初七日

聞借款俄英所索利益稍省現英聞俄力阻勢將
失和而俄逼愈緊今爲調停計擬各借一半五千
萬以全兩國交情允否再電

寄夔帥香帥 正月初七日

容事初六再詢虞山答云緩日商復風聞事甚秘密要地有人主持恐猝然奉旨無可挽回頃電虞山云西路受剋洋債難還尙是後事東路想必亦借洋債如章程較寬比必翻案務求稍緩定議俟比人到後妥籌再行會電以免全局決裂等語謹先奉聞

翁瓶相來電 正月初七日

容幹膠枝用容所以抑膠膠早定不能回粵漢果成借款當不掣肘惟宏才善措置

又 正月初七日

張奏可敬長江抵押無此說緬路通江則有之借款交訖皆儀發端皆有要挾皆不能拒甯滬換膠倭款緩期均做不到膠路達濟南後自山東邊境與中國幹路接路旁三十里礦產准開尊疏有廷諭照准矣

寄夔帥香帥

正月初八日

虞山虞電容幹膠枝用容所以抑膠膠早定不能回粵漢果成借款當不掣肘云合觀魚電膠路達濟南後自山東邊境與中國幹路接等語似係爲限制德路預佔地步容必藉此聳動當道都中本有以清江路爲然者

造至天津京兆亦必敷佐恐電奏亦不易挽回東路地
近款少洋人全力注之可速成西路落後將來冲剋不
了姑聽之尤恐容閎所給洋款權利優於比國豈能一
事兩樣辦法頃比漢領事到滬接比電不致游移其總
管帶四人十二必到東路事斷難瞞他姑擬四策以備
電奏一比款如因東路變卦則聽容另造東路接至保
定西路暫停一比款如允其援照東路辦法想必能辦
西路應將容訂章程速卽發議一東路改用比款粵路
改歸容辦一西路改用英款歸容總辦粵路改用比款
歸黃公度總辦東路暫停總之但求於事有濟不敢稍

參成見乞鈞裁速示

香帥來電

正月初九日並致南北洋大臣

初七日致總署陽電云洞沃電奏請力阻德造山東鐵路計已上達頃聞容閎呈請造鎮江至天津一路報効百萬不勝惶駭查膠州至京止一千四百里容閎路必經濟南省城德路由膠至濟止六百里容閎來自美國且事前卽報効巨款必係洋股無疑卽使間有華股而在英之華商財產多與洋人合且歸洋人保護仍與洋股無異且不僅美商鐵路股票展轉售賣各國洋人皆有雖容閎本

無他意但關涉洋股容闕將來亦不能自主容路
短而款足不過兩年必成此路成後德之陸軍長
驅而北一日而至永定門矣容路旣係洋股將來
必與德國勾串斷不聽中國指揮一旦猝有變故
如強佔膠灣故智防不勝防戰不能戰避不及避
從此京師豈有安枕之日危險萬分本爲催德撤
兵而彼要挾造路今允其請是自召德兵也或謂
東境之路我多造則德少造似可限制德路不知
容路係洋股卽與洋路無異正是爲虎傅翼若欲
限制惟有告以山東路我必自造但此路久已議

定應歸奏派之總公司承造尙可推緩數年以觀時局急圖補救備禦之法若兩年之內德路已通京城盧漢之路至速尙須五年且容路在東方自樹一幟占盡路利比款必將翻悔不肯交銀則盧漢路必因此而廢設有緊急雖欲調兵入衛亦來不及國事眞不堪設想矣總之德索山東造路萬無可許之理無論彼如何要挾無論許以何項利益其患皆較緩倘德路可達京城乃眉睫之禍也若爲抵制德路起見則以容路爲抵制不如以總公司爲抵制尙有辦法亦無流弊至容閼乃爲洋

人所欺容路卽係洋路無論德路造與不造容路皆不可准准之必爲全局大害將來總公司盧漢粵漢鐵路成後並准兼造東路洞必能勸諭公司各商報効巨款萬不宜受飾詞報効之愚事關宗社大計不敢避煩瀆之咎迫切上陳伏望朝廷熟思審處令王大臣及南北洋大臣從長計議力拒德路容路以固根本而安輦轂國事幸甚惶悚瀝陳請代奏等語特奉聞

寄香帥

正月初九日

陽電奏入有電旨否內意容幹膠枝方將藉容抵德鈞

意容路直接德路不聽中國指揮爲虎附翼意正相反
頃德華銀行面稱膠路是德國國家事究竟容路損益
誠不可不詳審

寄夔帥

正月初九日

陳忠偉等稟詢訪庫倫厚地產木極富足供全工之用
惟產木官山各有旂屬界限電工本屬公事所用木植
照東三省章程除雇工砍價及轉運出山費用均由電
局委員按價照發外其官山官木概不給價然蒙旗遇
事貪得恐難理喻且聞蒙古頗以電線爲新奇羣相驚
訝恐有掣肘貽誤要公擬請咨商北洋奏明飭下理藩

院轉咨蒙古各王旗曉諭各部落所用電桿係歸官用
應勸諭各旗於產木之處無論在何山採用查明砍木
若干根核成市價作爲報效造冊咨送理藩院按照蒙
古官階分給獎敘如此辦理方免延誤等語事關俄國
交涉期限甚迫可否請鈞處挈銜具奏或卽轉電總署
代奏乞鈞裁

夔帥來電

正月初九日

蓋籌四策自以第四策爲最妥惟尊意係就比款
變卦而言鄙見比款卽不變卦亦以此著爲最妥
蓋粵路改用比款亦甚相宜也事機瞬變姑備一

說可耳

香帥來電

正月初十日並致夔帥

容闕路無論比款借不借盧漢修不修總必須阻止方好容路卽洋路非限德兵乃引德兵速來也德兵一日可到京萬事瓦解昨洞陽電奏豈敢謂必能挽回惟冀宗社有靈天牖聖衷耳痛憤何極

夔帥來電

正月初十日並致劉峴帥張香帥陳右帥

借款事英俄相持不下頃聞總署定議一概不借意者倭款尙可緩還乎此亦好消息合亟奉聞俟

有確音當再電達

寄夔帥香帥

正月十一日

前日晤日本總領事小田聳其借俄款要挾多威海恐亦爲所佔於日亦不利小田云照約本可分期如商本國必可允是目前只有緩借一法未可貪小利而受鉅禍惟向日商緩不可言借英款須言如不允緩必借俄款則日必允矣此中關鍵可否請密電總署

又 正月十一日

有人傳虞山口信容事因德起見合肥保邸意決勢在必成明知與漢路有礙但眾皆不顧大局獨力亦難挽

回云此香帥陽電奏後消息盧漢本非合肥願造但何
不早阻容閣本爲南海深信但何不早保

譯署柏憲章來電

正月十一日

聞俄吳王密電若允英保借外部謂必派兵佔據
滿洲蒙古英使謂准俄保借當據舟山自衛前議
分半借恐難成署意欲兩不借以息爭

寄峴帥

正月十二日

借款罷議容路亦蒙電奏數大端挽回全仗重臣宏議
淞北官地英俄德皆覬覦作碼頭靠近礮台豈容他人
佔據咨函商請准歸鐵路升科執管如蒙俯允乞速賜

復擬飭寶山縣提前數月註冊以備抵制

寄京總署津夔帥 正月十二日

俄欲在琿春卡慶興府之間借地二十里樹桿設線遵飭電局參贊博來等核復現與各國電線交涉皆持定中國地界由中國設桿接線一處放鬆各處效尤此二十里照章應由華局設桿接線墊款照實由俄局支還以後修桿巡線亦如此事雖細故但爲杜他國效尤起見是否乞鈞裁

寄香帥 正月十三日

呂柏因開平末批焦炭不好萍焦不濟年底停爐今年

開平祇允運焦八千噸日本焦樣礪多灰重又不合用
東流打鑽尙無把握鐵廠惟有大辦萍鄉煤鑛一著已
借銀十萬兩派張贊宸前往總辦並調德鑛師賴倫仍
由江西赴萍順道兼勘宜春煤鑛必須明幹委員同往
方可放心去年所派惲令太拘泥以致未能詳細勘定
查有汪丞鳳瀛堪勝此任與張贊宸亦相洽可否求俯
念鐵政成敗關係准暫借汪丞一行所有咨行公牘擬
會大銜以昭鄭重鵠盼鈞復

又 正月十三日

海沙地所稟據法蘭吉王福昌等皆言屬實宣在漢嚴

切面惟朱道無不善言慰我今日看來不特第三段無望一二段亦屬可慮內必爲廷議詰責外必爲洋人恥笑此皆宣督率無方用人不當咎無可辭然臨敵易將亦多不便細審朱道於宣未免客氣瀕行推誠告誡終恐隔膜惟有懇求憲台設法曉以利害限令三箇月內將兩段石隄務要砌成倘再不認真備辦工料則發水工必不完已砌之隄必潰於水海之力已盡現只缺石料石工此兩事皆中國總辦之責謹稟申明以作證據云除咨行外查朱道訂定三段停辦頭二段石料石工必不延誤若如海沙地所稟漢工如何得了朱道應得

何咎此時惟有責成朱道趕緊催石催夫晝夜趕辦卽照石匠合同每日砌成五十方亦須百餘日完工尙恐雨雪擔擱石料朱道所辦石匠朱道所雇卽使宣親自駐工亦非朱道不能爲力中外注目焦灼同深

香帥來電

正月十四日

臘月內譯書公會報言山西路英俄分辦俄造太原省以西至正定幹路兼平定煤鐵鑛英造太原以東至平陽兼澤潞鑛又聞方孝傑逃究竟現在情形若何或辦或不辦祈速探速復此陳右帥託詢

又 正月十四日

昨日神尾晤譚力勸練兵伊言尊處曾約其回滬
擬練兵章程欲今晚行鄙人言此事重要須三人
面議互酌方善卽請台駕早來鄂會商且擬約湘
人來商期兩省合力神尾允留俟台端復電未知
昨今比款已定局否如已定請早日來鄂熟商此
事甚要祈電復

寄香帥 正月十四日

練兵必從兩湖入手原約神尾到滬先譯日本練兵章
法再到鄂會酌地勢財力變通定擬請奏宣則進京詳

細剖陳期其必濟惟比人未到美國亦有人來議粵路
至速須旬日方能蒞鄂未知神尾能否等候山西路礦
洋人鑽營尙無實信容再探詢

寄王夔帥張香帥陳右帥

正月十四日

接峴帥文電容路事十一已切實電奏未知能挽回否
頃由甯局鈔寄奏稿文曰接鄂督電聞容閱請造鎮江
至津鐵路報効百萬坤再四籌思此事萬不可允膠案
許德造路至濟南並俟成後再商接造至我幹路本係
萬不得已之舉且就德路而言僅許接至幹路而止而
幹路之權操之在我營造幹路之遲速亦仍由我做主

其害較緩尙可徐圖補救若允容閎之路其成必速德
路亦必接至容路容係洋股與德易於勾串是目前允
容造路無異許德造路至京害將不測容閎圖攬造路
之意蓄志已久往歲卽欲暗糾洋股承辦中國鐵路今
施其故智款爲洋股無疑蓋中國鐵路自奉 旨創設
公司號召華股迄鮮應者豈有久在外洋甫經回華之
容閎轉能遽集華商巨股之理縱有寓美華商股分流
弊仍與洋股無異且其中亦必以洋股爲巨此中國公
司因華股難集乃借比款以資工本比商之肯借款亦
以南北僅此一路利可獨擅若准容路成速利分不敷

還款比必悔議盧漢幹路更無成日況目下英欲擅造
路之利已藉借款要求若准中有洋股之容路英固有
詞各國更將羣起效尤路權全失禍且不可勝言若因
其報効既無濟於財用之急若借以抵制轉啟各國覬
覷之心容路既非德路要挾可比應請駁不准行免致
有礙大局請代奏等語惟聞容議已經軍務處核准章
程甚秘如鈞處有聞乞電示大約造津鎮則粵路必由
江西至鎮江相接盧漢湘粵皆無用矣總公司一切停
擱以待後命

夔帥來電

正月十五日並致峴帥香帥右帥

聞容閱路事廷議旣決且秘江楚力爭不應竊思
先有以緩之本日致總署電云近聞容閱承辦鎮
津鐵路將有成議自係爲限制德人膠路起見惟
津鎮路成則盧漢無以自立盧漢路廢則鄂湘達
粵之路亦廢是兩年來中外經營至此皆成不了
之局南洋湖廣兩督憂憤尤深竊思事關秘要外
臣原不及與聞然當此時局艱難舉動關宗社
安危非一時一事之比利權其重害取其輕似不
妨稍事從容謀定後動京外本屬一家惟同心乃
能協力若各持所見恐非國家之福文韶受國厚

恩王爺尤不以尋常相待敢陳愚悃望垂察焉云
云知注先聞且聽下文分解

峴帥來電

正月十六日

盧漢鐵路煞費經營成尙無期若允容路權利悉
爲所奪謀成愈難更恐外人援例爭攬患且不測
內閒卽允夔帥從緩之請亦祇暫就目前德旣得
膠濟造路必思推廣實沾其利縱使容謀得阻保
無趁機要挾踵故轍以來爭者爲今計非將幹路
速成無以自佔先著事機日迫憂憤填膺未識幹
路工程若何更有何策可期速成執事總攬大綱

想已胸有成竹乞示爲禱

寄夔帥峴帥香帥

正月十七日

峴帥謂非將幹路速成無以自佔先著要言不煩曷勝
感佩去年領款已將盧保漢潯兩端開辦今年皆可告
竣部款六百萬不能續發比國借款原定正月三號頭
批可付因歐洲傳播分割華地致有觀望今日比國總
工程師俞貝德到滬已告知德事已定俄英雖各有兵
船在華決不開衅盧漢鐵路係屬公司又在腹地決可
自保總公司現准將粵湘蘇甯兩路均造至鄂權利益
宏本利皆易歸還且中國人多地廣工竣路通不難招

股還債目前五大國皆願承攬比宜速卽開辦勿逾期
限俞貝德老練和平謂只要各國兵船早退款已齊備
工程不難趕造俟銀行復電卽可同赴漢口多分段落
自可速成餘俟續布

寄劉峴帥王夔帥張香帥陳右帥

正月十八日

奉香帥銑電囑查晉路已詢晉藩無復適接楊道宗濂
臘八函方孝傑借華俄銀行款造路自獲鹿至太原四
百餘里准春融後動工又借英商威利生款擬自太原
援至潼關又劉鶚借意大利羅沙底款千萬兩開辦平
孟潞澤礦務均已訂立合同息皆八釐胡蘄帥均已批

淮次第舉辦云附來合同卽鈔寄似是華洋合辦公分
餘利

香帥來電 正月十八日

比款可來容路可阻稍慰惟頃接京友本日電容
路已探確事在必行南海主之合肥助之云云不
知確否閣下能設法懇合肥轉圜否果如尊電甯
滬路通鄂湘粵路亦通鄂東南兩大幹統歸一路
容路雖成亦不爲害唯由甯至鄂南岸隔鄱陽湖
不能通且皖南多山想係由浦口過江沿北岸造
至漢口沿南岸造至武昌尊意如何祈示鄙意不

僅爲幹路分利慮德兵一日可到永定門耳總望
能阻止方好

又 正月十九日並致王夔帥

看此時勢中國危矣各國急欲分裂吞噬不我待
矣要政甚多俱恐趕辦不及惟有鍊兵造路兩事
是救正急著須刻定程限必以四年內辦成或可
稍支危局可以做到弱而不亡四字而鍊兵尤以
鐵路爲要無鐵路則二十萬兵亦不敷用據神尾
言俄路定須五年始抵海參威中國諸要事若於
五年之內辦成尙有收拾之計若俄路已成再謀

抵禦亦無及矣閣下此時在滬正好將湘粵甯滬
兩路借款議定似乎六十年本利兼還之法尙妥
並轉由甯至鄂一路趁此一氣呵成蓋滬路接通
鄂路則氣勢全活利源尤旺洋商借款定更樂從
總之盧漢一路粵漢一路甯滬一路甯漢一路此
四路兩頭興修而每一路又分段趕造期以四年
必成而尤以多添爐趕造軌先用外洋焦炭爲第
一義赴東洋自煉焦炭爲第二義華軌不敷暫且
搭用洋軌雖洋焦炭每噸多費七八金軌多銷暢
路廣利早實爲勝算較之一爐撐持坐待不可知

之煤礦緩造有大利之鐵路者損益利害相去懸絕當此危急存亡之秋惟有放膽大舉拚命相爭或可於死中求生亡中求存若再安步徐行慮周藻密恐一路未成而土地已非我有矣焦憤萬分請速裁酌示復並呈夔帥鑒裁以爲何如

京馮志先來電

正月十九日

容件夢丈無從設法姪已另託人覓得昨已郵寄內中動聽處卽報効二百萬及三十年後路歸國家二語而已

寄香帥

正月十九日

太原局員電俞方伯面諭劉鶚承辦礦務係借義國羅沙底款一千萬聞羅亦集之各國分六十年歸還八釐息商借商還已立合同鈐印方長蘅承辦鐵路係借中俄銀行六百八十萬先修太原至正定一段亦八釐息分三十年還已訂合同尙未簽字云

京馮志先來電

正月二十日

容事聞東海相國頗不謂然但此老不可以私相干昨姪已密託其切近門生詳陳容事係用洋款不過借容之名將來爲害甚大東海云三五日內奏阻俟摺上時再電聞惟千求秘密爲叩

長沙陳右帥來電

正月二十日

十七電致總署論容路晉路又先由公度電張阻
容冀爲釜底抽薪今容未允晉亦無甚害可不需
此然亦見公論之同耳

寄陳右帥

正月二十一日

香帥嘯電容路已探確事在必行南海主之合肥助之
云又接京電容條陳報効二百萬兩三十年後路歸中
國故動聽云公所擬釜底抽薪法仍請用之鐵路與鍊
兵相表裏邊海恐不及顧腹地練兵須從湘鄂始有鐵
路有鋼鐵廠有槍礮廠三四年一氣呵成亦足保其半

擬約少穆赴鄂同議

寄總署夔帥香帥 正月二十二日

迭接南北洋湖督咨送電奏以容閱議造鎮津鐵路各有所陳路事因時局變遷原難拘執成議惟盧漢幹路內外幾經籌度而後定南連湘粵西通川陝東達長江利則聚天下之全力以衛畿輔不利亦可聯十餘省之精銳以保中原今若改營鎮津漢盧停辦恐以後各路事權均屬外人無一路可以自主數十年歸還中朝之說盡屬子虛大局何堪設想又若盧漢仍令兼造路長工艱同舟敵國必受剋損目前比債必因此翻覆

日後商股必因此難招所收車利不敷分還洋債貽害
無窮宣懷忝膺斯任不敢不據實預陳比國總工程司
甫到上海正在催收借項議辦工程因聞改辦東路彼
遽游移暫停聽命伏乞鈞裁訓示

寄李傅相翁協揆張少司農

正月二十二日

東路想必爲限制德人而設然盧漢必因此停辦矣爲
兩全計可否用此款改辦鎮江至保定之路並由蘇杭
接至鎮江容道用美款改辦粵湘鄂之路並由鄂接至
鎮江則一氣呵成宣自知才力不勝如蒙放歸田里感
且不朽惟時局如此危難苟有所見不敢緘默乞轉陳

王爺鈞裁

香帥來電 正月二十三日

容路已奏准所恨者引德兵非妨幹路也盧漢粵
幹路尙可補救閣下可速向德華匯豐商接造甯
漢一路借款路加長款加多又通正幹彼必樂從
自江甯對岸浦口渡江沿北岸抵漢止九百里一
片平地無山無河僅裕溪口一渡耳與容路爭勝
止此一著務須趁此定議事機不可稍緩三口合
爲一幹路比款斷無游移速示復

寄京馮志先 正月二十三日

容件諒難挽回已奉 旨否比工司已到滬正擬收匯
頭批借款伊忽聞知鎮津同時另辦不歸總公司專爲
盧漢樹敵國家既不擔保恐本利無著故此暫停付款
聽候消息且借款章程兩路必歸一律聞容之權利悉
歸洋人與比不同比斷不允恐非援照容件不可則路
路均歸洋人如大局何凡有知交希密告之

夔帥來電

正月二十四日

容路毅然竟行時事如此尙復何言比款稍有游
移似宜藉此速籌退步所領部款有盧保路可抵
不敷則認蘇滬蘇甯兩路以補之收緊局面以觀

時變於意云何

寄夔帥

正月二十四日

敬電承教人力何能回天自應處處作退步想然署電
不准停緩南皮始終不懈細察此舉似專爲抵制擬與
比人說破進退當以比款變不變爲斷好在所領部款
絲毫不落空際去年暫存拆息十數萬悉以歸公謹遵
師訓腳踏實地而已

總署來電

正月二十四日

津鎮本係應辦之路雖有此議未能開辦與盧漢
幹路無涉未便藉詞停緩比約久經批准該監工

到滬亟應催收借款剋期興工勿得觀望致有貽誤

寄王夔帥劉峴帥張香帥陳右帥

正月二十四日

接傅相敬電海端堅請築膠至濰縣青州往濟南又膠至沂州兩路又中國在東築路先與德商不允則下旗回國勢難允行署奏准容闕造津鎮幹路爲不得已抵制西國幹路恆數道並行非必有礙盧漢何至因此停辦容謂與德商必受脅制美商亦爲難欲卽中止執事請改換豈有術制德耶來電當軸均不謂然仍照舊籌辦爲要云濰縣及博山淄川各縣煤鑛銀鑛沂屬金鑛

而通浙閩則沿海一氣呵成與盧漢同爲國家之
美意云

寄夔帥香帥 正月二十五日

聞總署與德使議定山東鐵路合同共十三款名曰山東德華鐵路公司由兩國商人集股一路由膠灣造至濟南一路由膠造至沂州查德約原本只要造至濟南爲止旋添沂州欲與我鎮津路相接也今更要中國在東築路先與德商欲將鎮津路歸併德國一氣也此皆因容閱議辦東路而愈起其奢念抵制之難如此香帥謂引彼一日而抵永定門且一日而抵金陵將何策以

挽之

又 正月二十五日

奉香帥效電擬四路兩頭興修漾電擬三口合一幹路
如果放膽拚命總須 朝廷言聽計從此時借款一要
國家擔保二要洋人做主三要包辦工程四要合股分
得餘利如准無論三路四路均可四年趕成無論何國
合同總須一律否則一處優給權利雖已定之約已付
之款已辦之工亦必搖動晉省現議八釐息尙分餘利
容件併是洋股得餘利四分之三比人安得不游移若
仍慮周藻密只可就此收束儘七百萬用完而止若要

放膽拚命須令比人先付借款若干一面保漢趕造一面將粵滬兩路先與他國定議暗准比國亦援照他國而行鎮津路無論早辦遲辦亦須歸總公司容閎分作一路總辦若論制德之術總公司有兩帥主持比較一容閎豈竟不及否則宣雖拚命亦辦不動與其貽誤大局不如負罪早退乞兩帥速卽會商電示方可稟承籌議

香帥來電

正月二十六日

敬徑四電悉比人如何說法是否待大局定再交款抑須改加權利美人議粵漢路所索如何德華

甯滬款是否仍照錫樂巴之原議此三國情形請
分晰見示至四要之說係何國洋商所索抑係台
端懸揣均祈明示切盼其餘大議論俟接復示後
再奉答

寄夔帥香帥右帥 正月二十六日

初五 寄諭另片奏請暫用中國工師勘路等語詹天
佑鄺景陽二員已諭令胡燏棻暫時借調卽著陳寶箴
派員協同該二員將湘省應造鐵路之地測量勘繪等
因查開辦以勘繪爲第一要義現已聘定美國頭等工
師李治到滬面議擬卽先派李治從廣州勘起湘路最

長據李治云必須伊親自勘度方能定議鄙見勘繪之學毫釐千里確不能不用洋工師惟右帥電云初勘路時暫勿帶用洋工師致啟疑謠鄙見懇請香帥右帥速電胡京兆迅飭詹天佑鄭景陽二月初開河卽赴湘鄂請右帥預與官紳議明應走河路速派熟悉地理員紳至鄂候詹鄭一到卽從鄂湘交界處起至湘粵交界處止先勘大概擇定趨向繪一草圖或有疑歧之處亦註明圖說但期中國工師能定一必由之路爲導免得洋工師再尋歧路省事多矣但必約定李治勘到粵湘交界處卽與詹鄭會合同入湘覆勘至鄂便可定局因

借款招股須憑洋工師圖說始能信從前右帥電但令
當事宣布 詔旨俾知事在必行應否卽將 上諭摘
要宣布右帥自有權衡粵中擬卽派員前往會商候鈞
示卽辦咨牘

夔帥來電

正月二十七日

容路奏准而容意甚悔此路殆將虛下署催盧漢
亦總須視比款之有無異議日來比總辦口氣若
何敬亥電通籌全局力挽狂瀾雖言不聽而計不
從仍不妨大聲一呼現正與香帥商之也昭信股
票戶部電屬轉行各路大臣俟原奏印好當卽分

別咨行電報招商兩局能酌提公積出借否電局
曾有捐辦京城西學之議未經議准恐後有指此
爲言者盍籌及之至吾弟似須單銜認借若干不
可與各局併計此層切須加意

寄榮中堂

正月二十九日

國事日急危在旦夕急圖補救猶恐無及當局憂患僅
沾沾於目前恐分裂卽在數年之內竊計今日能高瞻
遠矚力濟時艱者非中堂而誰目下補救之策猶有數
條如中堂不惜迴天之力願以陳於座前業將稟件專
差送呈鈞覽矣

寄夔帥香帥

正月二十九日

比總辦及美國工師李治皆云盧漢中間旣無枝路亦無大熱鬧處全靠南北兩頭往來生意旣開東路恐養路修路之費尙不敷洋債本利必無着眾口一詞而署謂與盧漢無涉進退殊覺兩難矣

愚齋存彙卷第三十

愚齋存藁卷三十一目錄

電報八

寄美京伍秩庸星使

傅相來電

寄李傅相

傅相來電

寄夔帥香帥

峴帥來電

寄香帥

香帥來電

又

伍星使來電

傅相來電

陳右帥來電

寄香帥右帥

寄李傅相王夔帥張香帥

寄香帥

寄香帥夔帥

香帥來電

寄傅相

寄香帥夔帥

寄鄂督張香帥湘撫陳石帥贛撫德靜帥

長沙陳石帥來電

傅相來電

夔帥來電

寄夔帥

寄李翁兩相王張兩帥

香帥來電

傅相來電

夔帥來電

傅相來電

寄太原楊藝舫廉訪宗濂

寄江鄂蘇浙皖湘晉甘督撫帥並浙藩晉臬

寄美京伍使

寄夔帥

香帥來電

寄夔帥香帥

寄杭州廖穀似中丞壽豐

寄劉峴帥張香帥陳右帥譚敬帥

傅相來電

夔帥來電

峴帥來電

傅相來電

寄傅相

寄美京伍秩庸星使

寄夔帥香帥右帥

寄夔帥香帥

寄傅相

傅相來電

香帥來電

寄翁中堂

又

寄峴帥

夔帥來電

美京伍使來電

寄峴帥香帥右帥

寄夔帥香帥

香帥來電

寄李傅相翁協揆張少司農

香帥來電

寄香帥

香帥來電

又

寄香帥

總署來電

寄總署

美京伍大臣來電

寄夔帥香帥右帥

寄夔帥香帥

夔帥來電

寄伍大臣

寄夔帥

寄總署

總署來電

寄總署

又

寄李翁兩中堂張侍郎王夔帥張香帥

香帥來電

寄香帥

香帥來電

寄李相翁相張侍郎王夔帥張香帥

香帥來電

又來電

總署來電

寄香帥

寄總署夔帥香帥

又

李中堂來電

寄李中堂

愚齋存彙卷第三十一

電報八

寄美京伍秩庸星使

光緒二十四年二月初一日

粵漢鐵路奏准借款請問華士賓坎理或別人五釐息
九五扣給股分餘利四分之一除土工外一切准其包
造另給五釐用事權如稅務司允否速示

傅相來電

二月初二日

比使來言自英俄爭攬國債歐洲市面頗亂現已
大定比款頭批交俄華銀行陸續支取催總監工
早日開辦以後必源源接匯屬轉致云又比有承

做電氣小鐵路公司在滬求尊處酌與商辦

寄李傅相

二月初三日

奉敬電海靖添索膠至沂州又中築東路先與德商似
係容道議築東路以後之變端而容路爲師所主持西
國幹路數道並進據總監工云西國枝路如布棋格不
似盧漢全賴南北兩頭生意中間並無熱鬧埠頭出口
土貨絕無僅有若再兩路分奪恐修養之費尙無把握
洋債本利國家旣不擔保而欲出諸此路斷做不到比
銀行本因時局觀望謂四釐票賣不出今更有藉口矣
聞容道原借美款東路旣須商德可否將東路歸併總

公司暫作宕筆容係粵人美款如願總辦粵路湘中有黃公度可聯一氣宣止欲顧全大局毫無畛域之見能有人分肩感激之不暇然此事必求我師解紛否則東路必爲德人著先鞭西路比人必不肯辦併恐爲法人所持昨白藻泰已來干預乞速籌示

傅相來電 二月初三日

國債由赫向英行商借尙未定津鎮路無歸德人之說法無窺瓊州意

寄夔帥香帥 二月初三日

比總監工連日面議彼與銀公司電商數次止允付三

十五萬鎊存俄華銀行陸續支用以盧保路抵押此後造路用幾萬匯幾萬以一百四十萬鎊爲止息改五釐九扣前合同暫置不論如他處能借便宜不到五釐九扣之款儘可還他一百四十萬鎊而去堅持不肯照舊辦理似此藉詞翻覆視合同如兒戲昨經大加駁斥法領事前來排解殊多袒護而傅相來電尙云比使所言並無觀望已電請傅相與比使理論矣

峴帥來電

二月初三日

部票章程頒發需時令先籌借付給印收倘換部票大致辦法五釐行息期以二十年本利完訖平

時准其轉相售賣每屆還期准抵地丁鹽課現此
閒定議先用甯藩司印收歸支應局收銀給票乞
公先將借數商定電知以便照填印收或總填一
紙或每紙分填若干均候裁示部限自奉 旨日
兩月內將借數電報期促用鉅並求力賜贊助多
多益善不勝叩禱

寄香帥

二月初四日

東路停止爲上歸併次之借款權利各國各路不宜太
歧容路晉路德俄所獲過重比約勢必援照大帥屢言
不聽當路猶疑煽惑如比事不能卽定擬同俞貝德進

京就近與總署商定免致隔閡既改由海道神尾必難久待應商之事請卽與商辦不必候宣矣

香帥來電

二月初四日

德使不准他人干預山東邊界鐵路客路雖議准亦不能辦鄙見此時似暫不必管東路若與德華議妥則由滬達漢人貨暢通不專靠南北兩頭矣莫若撇開東路不論趕將滬漢粵漢兩路迅速併議借滬漢以款動比款借粵漢以款動德款借粵漢滬漢以款動美款三路互相借助當可有成而尤以與德華先議爲要蓋此處利息較輕還法較

易也三路果通何畏於東一面再與當道商歸併之法比款反覆可惡其實乃爲權利輕不盡爲東路彼見德美兩路議妥後如苟出此路有利再暗中酌加利益或肯就範總之總署若肯擔保卽四路五路亦不難何至費許多周折不思若國家擔保卽公司不能還每年不過官籌百數十萬何至束手有何大害若國家不擔保然又准以路作押是明明聽外國將我中國鐵路占去矣乃願此而不願彼真無可如何之事也

又二月初四日

昨與錫樂巴商詰以四要第一條不能索國家擔保總署必不肯錫云不必國家作保但須顯出是國家之路非公司一人一家之路且須奏明答以奏明批准自不待言合同除總公司蓋印外並由南北洋大臣及敝衙門蓋印卽非公司一人一家之事矣錫云如此當可行第二條不能由洋人作主錫云非欲洋人作主惟銀行與閣下皆不能一人作主如閣下并總辦大員二人德華匯豐管事二人共五人公議多者從之第三條不能包辦工程錫云物料先儘中國自有者用此外無論何國

儘價廉者用第四條不能分餘利錫云若無小本
小利銀行斷不願答以小本我自能籌若銀行必
欲需潤至多小本不過三分之一而多給小利錫
云如此卽可惟德華欲添小本恐意在干預我永
遠路權不如許以小利錫意在六釐似亦無妨惟
須議定只准收利不得干預路事似乎四要皆已
活動皆有辦法已屬錫電德華不知德華與執事
面議如何祈示惟第二條仍多閃爍耳鄙意德款
較安美望太奢莫若先與德議俟滬漢議定再與
美議粵漢卽可照本謄錄矣高明以爲何如

伍星使來電

二月初五日

坎理要九扣餘照辦速覆

傅相來電

二月初六日

江電鈔示費使覆稱竭力辦理法呂使旋來面求
通融謂原係法銀行資本因近借國債四釐五八
六扣約合五釐半票售不出勢須議加告以兩次
合同早定奏准斷難翻悔只有停辦日前英寶使
來署云倫敦電稱比款將罷論盧漢可令英公司
接辦余謂若照比議一律未始不可呂謂英商必
不能便宜看來比款恐真作罷當悔上年不允華

士賓之議可爲太息希再設籌

陳右帥來電 二月初六日

敬電論創而確公度亦有此說惟無人不能行有人不必行尊意然否宥電勘路兩人已約香帥電

京兆矣

寄香帥右帥 二月初六日

京兆復詹鄺均不能調另舉四人一已故三無用似此只得用洋工師勘路與蔣少穆熟商如何保護洋工師請右帥卽與黃統領忠浩及熊庶常商籌沿途各州縣均用紳士保護當無阻礙乞籌示

寄李傅相王夔帥張香帥

二月初七日

粵漢路秩庸與華士賓議索五釐息九扣另給餘利四
分之一仍要包造另給五釐用蘇滬路德華匯豐索五
釐息扣頭不定另給股分四分之一中外事權相並以
此相衡比約權利太輕勢難平允利息多寡 朝廷原
可不問但比人翻覆無信實堪痛恨現擬定盤針照國
債四釐五八六扣銀行作保勒限完工如比不允卽歸
英辦惟實使所構英公司係指何行如卽指國債公司
最妥乞探示

寄香帥

二月初七日

德華謂電意中西皆稱董事不能有督辦所索小本小利卽股分也實欲做主人奚止干預不如許以餘利現與英商密議借利照國債另給餘利五分之一如總公司得餘利八萬伊得二萬作爲花紅德華詳細章程尙未到

寄香帥夔帥二月初八日

奉傳相齊電國債四釐五八三扣加二釐五用係不得已救急法仍匯豐德華經辦鐵路似不可仿行實未明言何公司司法使欲另議變通可否加息以圖成事希酌辦此事政府毫不措意權衡在外但不可中止耳云

香帥來電

二月初八日並致夔帥

夔帥魚電悉氣悶之至國債利重晉路權利兼重
無論何國皆將效尤若肯加利比款亦可允若不
加利英公司華士賓亦不行漢口匯豐接京電謂
國債係四釐半九二扣前日卽已賣票李相電謂
係八六扣不解做處兩支電想達尊意有何良策
祈速示並呈夔帥

寄傅相

二月初九日

路債無論何國總看國債轉移英德畫押否四釐五八
六扣尙無礙如果八三扣加用二釐五便是八零五大

不得了凡扣多者宜年還何不改六十年多借十年較
合算西人當可允

寄香帥夔帥 二月初十日

比監工同領事送來三條一暫借一百四十萬鎊爲限
卽匯存道勝三十五萬鎊按工程進境陸續撥付爲營
造漢口至黃河路用其餘兩造將來意見不合可另議
如別處籌借便宜之款合同須示比公司倘比不能照
辦則聽別借卽已付之款亦可歸還二比付之款責成
比代營造每年另以六毛花紅按照借款利息核計給
與比公司至歸款日止務期三年之內黃河以南路工

告竣廬保未完之工與此款無干三行車善後成本仍
由比借須息六釐責成比代經理又比公司備保款二
萬鎊倘不照續約付款則保款爲中國所得云大約路
債利息總看國債現加六毫卽是五釐九扣較四釐半
八三扣尙少似可應允惟保定至黃河北岸勢難緩擱
另借不易南岸用完一百四十萬鎊勢難借用別款又
止匯來三十五萬鎊其餘勢必存外國購料此皆極難
處至第三款另借成本卽是德華所索小本小利要做
主人必須駁除是否俯就定議或竟毀約乞速示遵

寄鄂督張香帥湘撫陳右帥贛撫德靜帥

二月初十日

現擬造湘潭至萍鄉電線一面派員勘路咨請右帥靜
帥行文出示曉諭再行開工此間擬會同香帥奏陳鐵
廠需煤甚急仿造開平試辦萍鄉煤礦擬由煤礦黃家
源起至萍鄉城外長潭河口止三十餘里安置小鐵軌
運煤本地井戶廠戶均願軌路速成於地方有益當不
致阻撓電線由潭至萍止醴陵一縣可否卽就開辦萍
礦摺內帶敘聲明咨商湘南江西妥辦乞示遵

長沙陳右帥來電

二月初十日並致張香帥

勘路猝用洋人一人倡謠千人和之一闕之後地
方正紳必不肯出身任事始基不慎事必難爲鄙

意仍當由督帥會電胡京兆借用詹鄭如必不行
莫如由鄂湘委員先偕汪喬年從江夏勘路抵湘
循臨湘巴陵湘陰長善醴陵攸縣茶陵安仁永興
或宜章等處勘至粵界卽沿途會同州縣聯絡各
地方紳士隨同踏勘標記並告諭鄉村市鎮使所
過各縣士民皆知此舉係奉 旨必行之事各處
紳民俱可入股分利實於地方有益並諭知須洋
工師再勘一次卽便興工俟勘至粵邊卽會同廣
東勘路洋人仍沿此路而下勘至鄂境同一用洋
工師而先有汪喬年等一次地方則已周知又有

已經聯絡稟派之紳士就地隨同保護自較穩便
如所過地方有須委員幫同州縣料理者卽由箴
酌量先行派往汪喬年等祇算是聯絡地方卽所
勘不確不過多一小勞費耳至此路較由永興經
耒陽衡陽衡山湘潭至善化約近百六七十里又
免過兩處大河民情亦較湘樸其必由此路無疑
惟須由北洋督帥盛京卿先以函牘約會廣東先
時用洋工師勘至湘界守候會合現正恭錄 諭
旨出示曉諭札行州縣俟定議委勘有期再札飭
將隨勘紳士傳集守候以免臨時推諉但時日須

稍寬當勿過迫促否則草率從事以後補救更難
當否乞定議示復餘容再商

傅相來電 二月初十日

國債已畫押赫全權旁人不攙越四十五年分還
本息

夔帥來電 二月初十日

比款自無放手理惟爲數不及半將來難處正多
香帥意如何試通籌之

寄夔帥 二月十一日

比款不放手北岸止有自辦一法國債已成照原議續

撥部款六百萬餘由公司另籌三年可成黃河橋可緩
造頃已擬毀約辦法併商翁李姑候各復電再議請速
將卦電比來三條轉電儀相

寄李翁兩相王張兩帥 二月十一日

卦電所陳比款極難處細想殊難遷就該國一再失信
南岸需二百萬鎊用比款尙不足數北岸需百六十萬
鎊借別款必爲牽制實非正經辦法擬允加足五釐九
扣仍借四百萬鎊悉照舊約承辦全路否則卽行毀約
另借或英或美亟宜謀定英息較輕而易猜疑美息較
重而無顧忌惟因津鎮之議皆看盧漢不足還債英必

併造蘇路而粵讓美造美必併造粵路而蘇讓英造現
與英美公司密議優給利權似可有成比若加利而仍
不肯辦全路毀約亦無慮藉口惟法領事面稱比若不
成應照越南條約與法商辦法使亦向傅相面求通融
謂比款係法行貲本似法將借徑出頭去年法屢來包
攬公司拒之今德有東路法更振振有詞所慮者棄比
而法赴總署援德另議耳此中消息乞中堂察度如可
無慮毀約爲是並求兩帥統籌訓示

香帥來電

二月十一日

比國反覆可惡憤悶之至但比約雖毀他國利息

必與比同而攬權過之惟比款止敷一半亦不濟
事似須與比約仍照合同全數而酌加利益料能
商中外分購否鋼軌橋梁水泥中國造餘料外國
購何如至小本小利如德華許以三分之一似比
亦可照許如比必不成英公司原無不可惟須議
明斷不能兼辦粵漢耳鄙人所堅持力懇者只在
不准英造粵路其餘皆請台端酌辦自能籌畫周
詳錫樂巴云德華電稱尊處已議允係何章程速
示美議粵漢肯照德辦甯滬章程否並祈復至無
論何國最甚不過酌分餘利斷不能令作主人尊

見極當務望堅持

傅相來電 二月十二日

費使來力言銀行賣票爲難情形非改定合同不可告以國債與商債異前訂約時已有英德國債何以輕允失信詆斥百端伊總稱無法欲請先訂百五十萬鎊用完時再續訂借言明不得過原訂之數求致尊處鴻雖未允但已至此因時操縱是在執事此次國債實救急翁張乃放手爲之豈能比照務希竭力磋磨圓成其事議定以國債低昂過甚爲詞上奏立案似不必先電商

夔帥來電 二月十二日

比款勢不能不加利若加利能成自以就比款爲
妥倘加利而仍有游移則不得不另圖他就或英
或美候京電酌行至越南條約乃專指廣西而言
不得援爲通利也

傅相來電 二月十二日

法若來求應推公司自籌度至新債八三扣言人
人殊者銀行欺飾爲賣取利耳

寄太原楊藝舫廉訪宗濂 二月十三日

函示借款八釐息未免太大有礙盧漢各路借款且經

營西路 朝廷具有隱衷路權付與俄人恐貽後患如
未定議似改借英美商款息五釐可代辦英美無心割
地於中丞遠謀乃合管見乞代密陳示復

寄江鄂蘇浙皖湘晉甘督撫帥並浙藩晉臬

二月十四日

今日俄使赴署稱奉外部電要將旅大兩口劃分地段
租給並由該處造枝路通至伯都訥幹路限五日回復
如不允即毀前年密約云特聞

寄美京伍使

二月十六日

九二扣餘利改給五分之一如九扣則不給餘利先定
粵漢路約需四百萬鎊如妥兄可先定草約

寄夔帥

二月十六日

俄使索租旅大並造路通伯都訥限五日復否則卽廢
密約勢必勉從膠州大連灣一開口岸北洋三關休矣
旅大官地不少能否設法擇要移歸招商局乞與花農
密酌

香帥來電

二月十六日

俄要旅大已聞知英德借一千六百萬鎊以蘇浙
江西貨釐皖鄂鹽釐作抵知之否德不准容閩造
山東路總署改令容閩造鎮江至河南路知之否
寄夔帥香帥

二月十七日

比三條到否堅持只付三十五萬鎊用至一百四十萬鎊爲止照此保定至黃河北岸只能自造如部款六百萬國債內能付尙可湊成否則比不准借他國款必爲擔誤伍使與美商粵漢借款五釐九扣給餘利四分之三包造給五釐用頃電伍如盧漢粵漢一氣同辦均可遷就限禮拜一爲止但恐美知俄耗退避三舍事棘焦甚

寄杭州廖穀似中丞壽豐

二月十七日

咸復謹悉俄久蓄陰謀故讓德爲戎首今藉口借英債而逼我署議豈能不允猶恐英法踵起宣前有多開口

岸各國公同保護之說刻已遲矣

寄劉峴帥張香帥陳右帥譚敬帥

二月十七日

旅大事已派許使爲頭等欽差往謁俄君商辦德案已
准德造東省鐵路兩道十四畫押

傅相來電

二月十八日

德議修東路原請華德合辦另定章程開工尙早
容議款無著

夔帥來電

二月十八日

旅大事固在意中大局殆不可問盧漢勢成騎虎
不能不儘力至粵漢祇爭下一先手其實毫無憑

藉現在大局至此似宜少作停頓以觀時變不宜
一意猛進專就一面打算諸希審慎官地事花農
另有電復股票南北洋商定一律開漠尙無成議
峴帥來電 二月二十一日
一國發難各國踵起旣非空言所能解紛以肉飼
虎亦豈有止境言之痛心法人如何要挾有聞仍
求電示

傅相來電

二月二十二日

法請數款均未允內有此款係法銀行費本答以
由尊處籌辦署不預聞

寄傅相 二月二十四日

東路華德合辦英法甚豔羨比款允其加足五釐尙不
肯定豈法將干預乎聞晉省借路款息八釐尙分餘利
此皆有礙盧漢論理洋息章程應由總署核定畫一辦
法以杜藉口如有關涉路事可否密行總公司知悉俾
免隔膜至感

寄美京伍秩庸星使 二月二十五日

粵股恐不多需借四百萬鎊三年成草約摘要電示卽
轉督電公釐押另專條比如退盧漢併辦

寄夔帥香帥右帥 二月二十五日

粵漢如不定借款仍不免爲英法所攘照原奏已與伍使往復電議五釐九扣另給餘利五分之一包辦用費五釐不能再讓此卽去年美國所議之辦法粵路非美莫屬且晉路八釐容議鎮路洋股得餘利四分之三項伍電美日齟齬恐失和礙借款國步日難稍縱卽逝鄙見迅速定議爲是如鈞意許可乞速示卽電伍議草約會同電奏請署電伍畫押

寄夔帥香帥 二月二十六日

傅相電法請數款均未允內有比款係法銀行資本答以由尊處籌辦署不預聞云比在鄂稱無法款今法自

言係法款法甚富何以只借一百四十萬鎊種種可疑
如棄比則法欲接辦就比則法既有言亦難保不干預
現擬先將粵漢訂定美款一面磋磨比續三條倘無把
握盧漢亦併歸美辦擬另立專條美甚願於大局似有
益

寄傅相 二月二十六日

粵漢仍與華士賓議五釐九扣將成晉省六釐是何扣
頭餘利分幾成乞詳示比美皆知此事告以各省章程
不同而洋商則擇其重者從之

傅相來電 二月二十六日

比款加息五釐不肯定法卽干預豈能遂定華德
合辦東路華股必少晉省借路款息六釐外准分
餘利昨奏尙未議覆洋息章程各處不同殆難畫
一

香帥來電

二月二十七日

粵漢自以美款爲妥粵漢盧漢能同辦更佳但不
知包辦尙用中國物料否請卓裁國事日艱速定
爲妙

寄翁中堂

二月二十八日

晉路深謀遠慮而歸俄手未免引入入勝似宜改圖

又二月二十九日

粵漢借美款伍使電復五釐九扣給餘利五分之一另給辦工五釐使用各帥會商自應速定已電伍擬草約到卽電奏西法事權重輕隨餘利多少爲斷容閱全屬洋股止與中國餘利四分之一晉路餘利平分皆於事權有礙

寄峴帥 三月初三日

徐海災重款少竭力接濟以副鈞屬無奈市面大壞勸捐甚屬寥寥聞揚州饑民數萬每日凍死二三百人請飭鹽務多設粥廠留養俟天氣晴暖再行遣散南京粥

廠早撤適值雨雪死者不計其數據嚴紳電稟到籍難民查戶補放甚難川資用完卽餓死請派大員資遣須寬給口糧並發護照註明州縣村莊口數到籍持赴賑局以免補查之難大憲慈悲敢以瀆懇

夔帥來電

三月初五日

頃接總署電稱旅大議租大連灣作通商口岸其界限俟許大臣及俄都商定船塢局房另議俄促初大畫押希密電宋提督卽速移紮營口至旅順大連灣訂明華俄船隻並泊駐旅師船切勿移動等因特聞

美京伍使來電

三月初五日

連日議甚棘手現議草約摘要如左公奉 旨立
公司辦粵漢鐵路委弟代訂約一美公司允借四
兆鎊視工程隨交勘路後卽交頭次二借款九扣
息五釐半年交一次鐵路作押發小票督辦及弟
畫押格式如曩三鐵路用公司代建代管四除地
價及土工外美公司包辦用每百給五五工竣歸
美公司管路事權與洋關同六餘利給五分之一
發虛數票作據四十年止七如無意外三年工竣
八中借票四十年期若十年後卽歸還每百須加

五九借款還清鐵路卽歸中國自管十美公司先
交美元十萬存弟處作據十一美公司允設堂教
華人建管路十二建路材料須免稅有事運兵收
半價另專條如比約廢盧漢併辦再借鎊四兆半
各款如前望轉署速示畫押

寄峴帥香帥右帥 三月初五日

恭邸病甚更無人主持大局俄事 旨派合肥南海專
辦 廷意讓大不讓旅

寄夔帥香帥 三月初七日

前電盧漢粵漢均歸美辦自係一氣呵成勝算乃法國

照會總署條款內言比款有法銀行在內法使及領事
均直言如不與比辦應與法辦是又未便決裂比國總
慮盧漢路利爲東路分奪難還比債藉詞觀望兩月以
來遲回不決故非造粵漢不能保盧漢因電伍使先與
美議粵路須令迅速畫押不使英法預聞粵路一定如
比再游移便可頃刻准美照樣併辦今擬電奏稿請香
帥酌改卽電夔帥改妥速電總署

香帥來電

三月初八日

奏稿已細讀大局危迫只可如此但美公司人管
路不知如何管法如能言明雖歸彼管我亦可與

聞如有礙我政權之處准我飭該公司隨時改正
將人撤換否則議罰較好但不知能辦得到否統
請酌定不必再商

寄李傅相翁協揆張少司農

三月初九日

傅相二月電比款如眞作罷當悔上年不允華士賓之
議其時南皮力主比議亦因美比權利懸殊未敢力挽
今比款只允借一百四十萬鎊其餘不可必惟有先將
粵漢與美定議並另立專條比如廢約盧漢再借鎊四
兆半各款與粵約同擬於比約亦載明如借款不到或
不足隨時廢約歸他國接辦伍使草約卽是華士賓原

議日內電奏務求主持速定照體例必須由總署電伍方能畫押昨伍電遲恐變卦云

香帥來電 三月初九日

庚四電悉已電北洋請速奏美款可成比款不翻
欣幸之至但不知有變卦否過三日當無恙矣權
利雖減命脈尙存公可謂長才矣

寄香帥 三月初九日

夔帥青電電奏候香帥核定知照卽當照發事雖密速
英法違言在所必有此時亦顧不得許多惟請署電伍
使恐不免作難耳江西一路不能不預籌及之湘中風

氣其實未開也祝帥初七拔營口船塢局所公用云常
熟前允粵路借款不掣肘頃已切託人力已盡得失聽
天

香帥來電

三月初九日

鐵路既歸美國人管合同必須添入此路只准中
國運兵不准與他國運兵凡與中國有損之事皆
不得用此鐵路等語既云權如稅務司查稅司所
辦皆於中國有益無損之事且海關尙有關道同
管諸事均得與聞用款全歸關道此路能以洋人
爲正管添派華官會同管理否此外有何應添要

語至以上各條或應添或不添統望裁酌示復
除電伍星使不必再商

又三月初十日

膠旅既失英覬吳淞法索廣灣自在目前徧觀大
地從無海口被人佔去而尙能立國者現北海已
莫可挽救倘南洋次第失去真四千年來大變從
此中國受人壓制萬古不能自主甯不痛心思欲
留一線生機則乘日內先以孤懸海中早有成約
之舟山許英而留吳淞爲出路或尙可爲中國留
根基台端能切實一言以救中國否吳淞一屯英

兵沿江各省商務必大擾亂減色中國斷不敢將
長江許他國英何必明佔吳淞英既得舟山其利
與佔吳淞同獲義名而不擾商務在英尤利以此
動之或得允許又俄德均以我沿海爲鐵路起點
英得吳淞難保不仿辦果爾則甯滬權失從此葭
延卽幹路亦不能保此最切近之禍惟有趕定此
甯滬一路借款卽日開造冀英或不如俄德之貪
狠稍留餘地然不先自爲謀則將無辭以拒望力
維大局爲幸弟本欲言然總署有成見鄙見必不
聽故切懇之祈速復

寄香帥 三月十一日

讀蒸電聲淚俱下德佔膠而意在齊魯俄佔旅大而意在滿洲法索廣灣而意在全粵吳淞爲長江咽喉焉得不覬聯英之議至此已空鄙見莫如以威海租英藉以牽制俄德已預下密著未知應否吳淞事峴帥看得甚輕乞速密致一電勿提鄙言俾甯滬路不致掣肘方可議借款速辦

總署來電 三月十二日

奉 旨粵漢路款著照議訂定其代管字樣仍著斟酌欽此遵卽電達一面由本署電伍使先畫草

約

寄總署

三月十九日

南洋來電吳淞已准開埠如何辦理情形乞賜密示鐵路以碼頭爲根本吳淞蘊藻浜南江濱深水處皆久爲洋人所佔惟濱北沿海至礮台附近水深可泊巨艦爲鐵路碼頭棧房所必需現已將塘內外官地一百六十餘畝插標由寶山縣提前作上年八月註檔歸總公司購用業與南洋商議地價除贖呈外謹先電陳

美京伍大臣來電

三月二十六日

頃畫押各款照舊二如彙字改卽照中國借款辦

惟以鐵路作押三代管字改管理行車等事加兼
用華員順輿情四加儘用鄂料材料明買各廠回
用歸公六虛票四十三年期七勘費各出八小票
五十年期二十五年後還不加提早還加二釐半
十一學堂經費美出加款未盡加到華續議盧漢
併辦專條改借五百兆鎊另密約包用繳回一釐
與公又專條煤礦到華續訂筆舌交瘁託庇告成
各款尙妥洽摘要電聞餘函詳望卽電覆照准以
便美商起程乞轉署

寄夔帥香帥右帥

三月二十七日

借債招股以勘路爲權輿湘蹶難勘原議應從粵起恐
粵官隔膜特派文帥門生汪編修詒書持函往商並派
蔡道乃煌同往議勘路接蔡電文帥復奏謂廣東集股
人多不信與昭信票同時並舉商民力恐未逮俟盧漢
成後再行接辦以蘇民力且與總署原奏次第舉辦之
議亦合等語如粵漢緩必爲英法所攘時局至危而同
舟心志不齊恐非我二三人所能挽救美電日不戰伍
使借約可成乞鈞酌

寄夔帥香帥

三月二十七日

比國電來八款一先辦兩段係盧至保定漢至信陽二

華款一千三百萬專造保定至信陽以外各段路三大
清國出五釐借票四百五十萬鎊四票式照前定 上
諭批准各款照會比法兩公使五全路行車事比公司
代辦三十年還清爲止六遇有爭執請總署比使商斷
意見不合則請法使判斷兩造卽當允從七比公司卽
認購五釐九扣借票一百四十萬鎊餘款每年承購一
百萬鎊本次購票專造信陽一段將來購票亦可作粵
漢用營造粵漢以比爲先正合同簽字後一月內交三
十五萬鎊八正合同國家批准四月十號由此寄俞貝
德兩造簽字比公司寄存俄行二萬鎊作保云云當卽

嚴駁一款截出兩段先辦不應置全路於不問四款不應照會法使六款不應指定法使判斷七款不應牽涉粵漢路八款俞貝德既准簽字何以又有正合同寄來昨法使到滬力勸簽字大約比辦法必干預比罷法必索辦事甚棘手乞鈞酌密示機宜

夔帥來電 三月二十七日

刻寄香帥電杏蓀霰電想已到比實倚法我欲絕比恐做不到與其比罷而法爭攬不如就比而稍減法權尊意以爲何如另有全善之策否祈密示並告尊處云

寄伍大臣 三月二十九日

已畫押慰佩轉署五款路成後四十字已照電奏速令
美商起程盧漢如併辦除黃河橋外三年能否趕成若
奏准不致游移否已有專條須再訂草約否恐廢比約
法求接辦必須保美約不變方可棄比候復

寄龔帥 閏三月初一日

香帥電譚奏以蘇民力一語可駭入股乃聽人自便之
事何所謂蘇此時招股本可不急即可招亦必開工後
始有人入股也望台端設法電致當道爲要比款八條
刁難無理恐難照辦鄙意或竟與美國商之總勝於法

祈熟籌示復請轉致夔帥云

寄總署

閏三月初三日

去冬香帥原雇之德工師錫樂已到鄂面呈德華匯豐
合借蘇杭路款六條甚含混正月德華來見面稱須出
國家債票須立德華鐵路公司華洋合股各分餘利宣
與該洋商同作董事卽面駁難行伊云德電如此尙有
詳細條款寄來三月十五晤稱匯豐已拆夥因公司以
德華命名也條款已到譯成送閱告以蘇杭奏明歸總
公司詳款雖未見然據所言斷不能成伊云我可託外
部向總署說成答以總署不管且候條款譯出如可商

改再議德云恐不能改二十八派人送來漢文十七條
第一國家向德銀行辦中國五釐利借款折扣不定第
二設立公局爲建造及營辦鐵路名爲德華鐵路公局
第五如路利不敷應由國家另在別處籌款交還第十
餘利各分一半董事五位二華人三德人以上皆不能
允這三日雖未復彼而前兩次見面皆力駁並未與彼
草訂合同亦未應允一字豈能因其送來合同草稿一
紙卽作爲已訂之合同前所以未竟拒絕者恐其赴醫
饒舌今旣如此卽當送還草稿使無違言至於怡和所
議係照總公司章程商借商還與德華大不相同德亦

何能禁我與他人議乞據理駁復

總署來電

閏三月初四日

英使言奉其政府電俄德法美辦中國鐵路英獨
向隅實不甘心英公司必欲承辦自滬至甯鐵路
問以公司是誰曰怡和告以此路早奉 旨歸盛
督辦可令怡和就近與商但索價須與別國相等
否則難強看來此議未便峻拒務望相機籌辦仍
詳復

寄總署

閏三月初五日

蘇甯路與怡和議意在聯絡英國且怡和與招商局共

事多年尙不離譜惟膠事之後輒謂總公司如不允卽赴京議以商務歸入交涉必多爲難現稟告英使索價須與別國相等否則難強此語最扼要德華已切實函致復絕但恐尙來纏擾

又 閏三月初五日

頃德總領事同德華行主來見責以所交合同底稿與總公司原奉訓條不合已經復駁何能遽謂已訂之合同亦何能禁我不與他人另議施安博云但德華擬議在先如他人與此一樣應先儘德華答以他人如照此章程亦必不允如晤英使須勸怡和格外公道以免藉

口

寄李翁兩中堂張侍郎王夔帥張香帥

閏三月初五日

二月十二傳相電諭費使來力言銀行賣票爲難情形
非改訂合同不可原因時局不同允加足五釐息並准
其同理行車事與俞貝德議妥將畫押乃忽接比電因
向法銀行售票請加兩款一奉准借款 上諭股票格
式請照會比使法使一遇有兩公司或中國國家有爭
執之事均請總理衙門大臣比國駐京大臣商斷如商
斷不合則請法國駐京大臣判斷兩造卽當允從答以
此兩款須請示總署比領事云如外間不允比法兩使

可向署商准當詰責原約十四款載明祇認比國豈能
更改將其兩條一改爲票式已定所奉 諭旨批准借
款已照會比使如以後比公司轉託他國銀行轉售股
票應由比國隨時知會中國亦可恭錄轉告售票之國
一改爲遇有兩公司或關係國家爭執之事均臨時請
北京大臣兩位秉公商斷倘商斷者意見不合則另請
一位判斷兩公司卽當允從頃比領事來稱實因時勢
大改若無大國保護恐路爲人奪比款無著非露出法
國不可意甚堅執似此與借比款本意矛盾現經伍使
與美訂粵約另有專條如比廢約盧漢併歸美辦另借

五百萬鎊悉照粵約伍電謂可靠論理棄比歸美最善
惟法使過滬力勸比合並謂法不願別國辦在公司理
甚足不慮比後言未知法使到署有何詞如可無慮法
擾數日內比電若不就範卽當廢約如棄比而法乘之
則不如就其所索兩條求傳相速商比使勸令照鄙擬
改妥自愧辦理不善實不敢迴護前非惶悚密陳

香帥來電

閏三月初六日

台函暨未電均悉比法串通尊意俟與美商定併
辦盧漢卽與比決裂最妥惟美現開戰不知美款
能無中變否祈電詢伍使並催其速商定併辦盧

漢甯滬一路昨錫樂巴來稟海靖來電欲力攬甯
滬之路意甚姁英查前擬德華承辦此路者中欲
德不攬東路也今既盡攬山東一省之路則情形
今昔不同此時甯滬一路或專與英議或英德合
辦亦妥請酌之粵漢路勘路與招股無涉昨署既
遵 旨電粵當不致再有阻撓祈飭粵員速開勘
湘員頃已電飭速來鄂矣

寄香帥

閏三月初六日

二十九徐相奏請赴京接待德王乃是引線德王昨赴
福州以修理座船爲名聞以膠州布置費鉅不願與英

俄偏近有改換福州澳及金門島之意去冬曾以閩島
易膠之說電署若早切實與議留膠而旅大威何致盡
失鈞駕何日來滬如早比事擬候面商

香帥來電

閩三月初六日

德王赴閩乃看中國好說話欲兼要三沙金門耳
斷不捨膠以換閩也接待之說可怪此開緊要事
太多須二十外方能行

寄李相翁相張侍郎王夔帥張香帥

閩三月初九日

伍使來電盧漢除黃河橋外三年可成無須另訂草約
美可靠請電允換約等語比公司議多反覆宜卽廢約

就美頃已函致比人不能再議法雖云有股在內目下
比公司並未賣票法如饒舌有詞可拒乞鈞裁

香帥來電

閏三月初九日

甯滬一路德人承辦固非所宜英垂涎長江該使
獨攬此路亦未爲得計無已只可照原議英德合
辦流弊較少然究不若使美併辦盧漢令比改辦
甯滬爲最妥比商力薄此路較短需款止盧漢之
半比人當可自辦不必求助於法卽有法在內在
甯滬一帶亦無能爲患祈酌復示佳電頃到美可
辦盧漢甚慰

又來電

閏三月初十日

洋人常言鐵軌兩條如一翦子鐵路所到卽將其國翦破矣近日洋人太很英在蘇滬長江利權太重萬不可再使英獨辦甯滬路矣似以比款移甯滬爲妥英無路必不甘然旣云無路想是山西路未議准莫如使英辦晉路開晉礦英必大喜且可藉分俄勢最爲上策如晉路已歸他人或令其辦自河南入陝之路自金陵對岸入鄂之路亦均有用務望熟籌慎思熊虎豺狼名異實同無不噬人者祈示復

總署來電

閏三月初十日

比法使以盧漢鐵路續議合同尊處漠置已據照會咨行查復頃法畢使來署謂比款係法銀行代辦法國應出于預請署准行告以盛係督辦大臣借比款定約皆其主政本署並不與聞且言明係借比款與法國無干本署尤未便過問恐以後尙有纏擾希妥慎酌辦勿推諉該使又稱現租雷州之廣州灣爲水師口岸請接電線告以設電應由中國自主候飭公司查明該處距雷州高州何處較近何處有電線由華局自行接做至廣州灣該

使道謝希速查酌辦理具復

寄香帥

閏三月十一日

救分裂之弊宜合縱故鐵路莫妙於專設機關由國家
借各國鉅款設總公司合辦全國幹路上策也救聯綴
之弊宜牽掣故鐵路對於借款營造之國不與其佔奪
保護之地相連以毒攻毒中策也佳蒸兩電卽牽掣之
法然盧漢棄比蘇甯棄英甚屬不易以俄法德皆已如
其聯綴之願矣英使在署言必欲承辦自滬至甯鐵路
署謂未便峻拒恐予晉陝路非所願金陵對岸入鄂之
路彼本欲併入滬甯容與磋磨然過激則偪入交涉更

無範圍所以不憚艱險挺身任之利鈍非所計也

寄總署夔帥香帥

閏三月十二日

比國借款照合同正月三號應付頭批一百萬鎊逮總監工俞貝德來華忽藉口時局變遷國債息扣較重容閱東路奪利種種翻悔因其情有可原費盡筆舌續議三條一利息加足五釐九扣先借一百四十萬鎊其餘分三年借付二責成比公司代延之總監工代爲營造均須先請督辦核准三借款期內責成比監工辦理行車各事進款全歸總公司畫押日付保款二萬鎊俞貝德已允畫押忽接比電另送七款又翻前議閏月初三

改正發還令其必欲照行乃初八送回底稿不特與改正條款不符礙難應允而又添出兩款爲前所未議之事總公司商董會議加利一節尙可允准今比商於加利之外層層勒索刻刻變更竟將奏定互換之合同全置度外若再聽其拖宕恐礙五年期限公司責任重大不敢再事遷延且去年瑪西海沙地在武昌先立草約德福尼愛蘭在上海續立正約皆據比費使謂其有權乃與簽定此次俞貝德來華正月二十日卽據費使電稱俞貝德不久准接本國確實辦法乃俞接比電得步進步毫無信實比公司並不給俞全權以致遷延百日

愈說愈遠不得已初八日函致俞貝德罷議並聲明總
公司致被延誤虧損之處尙有理論之權茲奉蒸電比
法使以敝處爲漠置合同實係比公司玩視合同天下
當有公論法使謂法銀行代辦總公司合同係與比公
司所訂但知有比不知有法且比未售票何以忽有法
股在內總公司但知遵守已畫押之合同逾期四箇月
續議不成理應作爲廢紙乞賜查核

又 閏三月十二日

比款原合同權利最輕初謂其小國無礙交涉雖翻覆
求加仍與磋磨期其就範乃新來七款內一奉准借款

上諭股票格式請照會比使法使一遇有兩公司或中國國家有爭執之事均請總署大臣比使商斷如商斷不合則請法使判斷並云如外間不允比法使可向總署商准當詰以原約十四款載明祇認比國總公司於畧加權利之外斷不允別生枝節今忽來法國干預非枝節而何比領事乃稱實因時局變遷若無大國保護恐路爲人奪比款無著非借重法國不可意甚堅執似此本與借比款意矛盾適比送續稿另添勘路經費及營造管車之人均屬比公司兩條卽乘此異議函復作罷不提法事實則拒法其大端也伍使與美訂粵約

另有專條如比廢約廬漢併歸美辦另借五百萬鎊悉照粵約云特再密陳

李中堂來電

閏三月十三日

各國皆謂美日宣戰凡有戰事商股觀望漢粵恐不可靠佳電謂廬漢亦指美款更屬渺茫比法正赴署糾纏署推不管務相機妥慎籌辦若拒以並未賣票爲詞必焚索以前用費香帥內召何日起程

寄李中堂

閏三月十四日

美日停戰似必速論大局歸美一氣呵成較善若遷就

比必欲其照改正續約庶免後患比法纏擾請署推出
不管宣係畫押者必挺身任之彼誤我五箇月工程喫
虧處較其用費尤大律師謂我理直誠然香帥十七交
卸卽行